

PLOANIES SAN MARTIN Y LUNGIARÜ

Cun plajèi y ligrèza podunse ti dí le bëgnü a don Yuriy Blazyna, che á azeté l'invit da gní tla Val Badia a daidé te nostes 6 ploanies: San Martin, Lungiarü, Antermèia, Rina, Al Plan y La Pli sciöche curadú d'animes.

Pater Franz da Oies daidará inant tan ch'al vá debojëgn. Ince a d'ël n bel dilan por so sorvisc.

Don Yuriy jará a d'abitè tla colonia da Lungiarü, olache al stará n iade por n mëis de proa. Èl instèss se presentará spo canche al gnará te vignöna dles ploanies.

I ti audun ch'al pois se sté saurí te nostes ploanies, ch'al vègnes tut sò bun y ch'al pois cun la grazia de Chël Bel Dî nes renforzé sòn le tru de nosta fede.

Le Signur, le bun famèi, benedèsces òl y düc sù colauradus, che se mèt a sorvisc tla santa Dlijia.

Osc ploan - Siur Klaus

Sò Oies éi vigni vëndres de Carsèma la poscibilitè da se confessé, do mëssa, dales 16.30 ales 18.00.

Invit a düc i geniturs che á na picia möta o n pice möt da batié, pers che aspeta, toc y totes de nosc decanat, ala preparaziun dl Bato, che vègn tignida en sabeda, ai 2 de merz, dales 15.00 ales 17.00, tl pice salf tla Ciasa Runcher a Badia. I s'inconfortun a tröc partecipanc y i starun dedò ciamó n pü' adöm a s'la cunté cun n pic renfräsch, che l'Uniun dles ères de Badia nes arjgnará ca, a chères chi ti dijun danfora bel dilan! Prenotaziuns 334 32 00 396.

I jun a Gardaland! Ai 11 de ma jará i ministranc y la schira jonila dla Val Badia a Gardaland. An piará ia cun n bus da doman y gnará a ciasa söla sèra ia. En chèsc de ará i mituns y les mitans la poscibilitè da fá de vigni sort de jüc y passé de beles ores deboriada! Por deplü informaziuns y por tó pert a chësta picia jita, éi da s'anunzié cina en domènia, ai 25 de forá, pro i surastanc de paisc!

En dedemesaledema, ai 21 de forá vègnel dit dales 20.00 tla dljia da La Val y tl apartamènt la corona por l'interzesciun de siur Heinrich Videsott.

SAN MARTIN

Al vègn indò bel perié do le contribut por scialdé la dljia, che vègn trat ite cun l'offerta tratan mëssa: - incò sabeda 17 y indoman domènia 18 de forá y - en sabeda 24 y domènia 25 de forá

Al pó ince gní paíé por banca IBAN IT 11 J 08010 58830 000304004922

Dër bel dilan dles ofertes gnüdes fates por la dljia en recordanza dla defunta Anna Mairunteregger Moling da pert de maestres dla scora elementara, dala so Herta y dal fioc Albert Moling.

Invit ai Seniors y Seniores da San Martin y Antermèia da gní a tó pert al iade por sanc dl pröm vëndres de merz a Spinges, en vëndres al 01 de merz. I s'abinun dales 8.30 sòn plaza dl paisc da San Martin, por jí ia deboriada cun i auti privac. Dales 10.00 sarál mëssa ia Spinges cun siur Ugo Senoner y dedò junse a marèna tl hotel Roger. Le cost é de 20 euro porom. Prèibel prenotesse cina en domènia ai 25 de forá por Alfred 333 36 54 786.



unitepastorala.org

Plata dles Ploanies San Martin y Lungiarü



ploan siur Klaus Sottas 344 15 54 055 - ksottas@rolmail.net

redaziun: anton.gasser@rolmail.net - 348 27 44 517 / 0474 523 194

18.02. - 25.02.24 n. 12

ultimo termo por comunicaziuns: jöbia, dales 20.00

1ª Domènia de Carsèma - ann B

Vangele do san Merch 1,12-15

Te chël tèmp à le Spirit condüt Gejù tl desert.

Dailò é Gejù restè caranta dis alalungia y é gnü tentè dal malan.

Al viò pro i tiers salvari, y i agnui le sorvî.

Do ch'an â sciuré Jan te porjun,

é Gejù indò jü tla Galilea;

al incundâ le vagnele de Dî

y dijô: Le tèmp é complì,

le règn de Dî é daimprò.

Convertisse,

y cherededi al vagnele!



I caranta dis che Gejù é sté tl desert, vio cun i tiers salvari y é gnü tentè dal malan, á plütosc n significat simbolich.

Ince Gejù á albü te so daite da combate te so raport cun le Pere cina ch'al é sté bun da capí y da azeté le contignü y le fin de süa misciun y da sté fedel.

Y al vègn spo dit che Gejù é indò jü tla Galilea. Al incundâ le vangele de Dî y dijô:

Le tèmp é complì, le règn de Dî é daimprò. Convertisse, y cherededi al vangele!

Chèstes é les prömes parores - do le vangelist san Merch - che Gejù dij canch'al mèt man da se presenté publicamènter ala jënt, da incundé y da operé.

Gejù, ne scomèncià nia süa incundaziun ghiran val', mo al nes incünda:

Ciarede, le tèmp é complì, le règn de Dî é daimprò.

Atramènter co Jan Batista, ne manacia Gejù nia cun le iudize, mo impormèt

la vijinanza salvènta de Dî. Le règn de Dî é val' che sozed sègn y chiló,

olache la jënt se reconèsc sciöche fis y fies de Dî y vir da fredesc y sorus.

La converjiun y la fede, a chères che Gejù nes invièia, n'é nia tan na ghiranza, mo plü co ater nosta resposta.

"Le règn de Dî é daimprò!" ó dí: Chël Bel Dî ves vègn adincuntra. Al ves chir!

Al ves ó bun! Porchèl messunse se daurí a d'ël, se lascé ite y fá imparà. P.K.

EDEMA	SAN MARTIN	LUNGIARÜ	
18.02.24 1^a Domènia de Carsëma <i>Domènia dla Dlijia te ciasa</i> <i>dales 19.00 sona les ciampanes</i>	9.30 Corona por Franz Planatscher y por Pio Baldissera 10.00 Gran Mëssa por la Comunità 3 ^a de sopoltöra de Leopold Flöss 3 ^a de sopoltöra de Anna Mairunteregger Mol. 2 ^a de sopoltöra de Pio Baldissera + Hannele Pedevilla Trebo, dl ann + + Giovanni y Teresa Flöss, dl ann	7.50 Les Staziuns ciantades dal Cor 8.15 Gran Mëssa por la Comunità (p.Franz) dl ann + Giovanni Clara, Seres + Sepl Chiusura + Regina Daporta Mischi (dla Uniun) + + Maria y Paul Castlunger	<i>Le Vësko Ivo Muser stluj jö</i> <i>süa Lëtra Pastorala por la Carsëma 2024</i> <i>cun chësta domanda:</i> Ciodí romagni pa? <i>y al respogn:</i> Al n'é tröc che ciügna y dij: Co pón pa incö ciamó romagne pro Gejú y pro chësta Dlijia? Ci porta pa chësc? Chësta reaziun conësc bele le Testamënt Nü: “Sön chëra s’â tröc discepui retrat y ne jô nia plü incërch cun ël.” (Jan 6,66), liunse tl vangele do san Jan. Gejú ne prô nia da i tigní a vigni moda. Al apelëia ala liberté y responsabilité dla jënt. Al damana cinamai chi plü dlungia incëria: “Orëise ince os s’un jì?” (Jan 6,67). Dailó s’infida Pire da professé süa fede: “Signur, da che dessun pa jí? Tö as parores de vita eterna. Y nos cherdun y conesciun: Tö es le Sant de Dî. » (Jan 6, 68-69) Al sará dagnora porsones che orientëia süa vita do chësta convinziun - ince incö y dër dessigü ince indoman: Gejú Crist é nosc tesur! Ël n’á degöna concorënza. Ël chiriunse y de ël unse debojëgn. Ël proclamunse y zelebnunse. Ci podunse pa fá de miú co ti al porté ala jënt te nüsc bocá delicac?
19.02.24 <i>Irmgard, Bonifaz</i> Lönesc			
20.02.24 Dedolönesc <i>Amata, Jordan</i>	8.00 Mëssa prefestia + Lena Costabiei, dl ann + Ida Deiaco		
21.02.24 Dedemesaledema <i>San Germano, Pire Damiani,</i>	18.00 Les Staziuns	7.30 Mëssa + Ida Obexer + + de Iachin	
22.02.24 Jöbia <i>Catedra S. Pire, Margarita</i>	9.00 Mëssa di scholars + Lena y Zelestin, Ties, La Pli + Sepl Flöss, d'Arzó		
23.02.24 Vëndres <i>Policarp, Otto, Romana</i>	18.30 Adoraziun chîta 19.00 Adoraziun de Carsëma	16.30 Les Staziuns cun scholars y families	
24.02.24 Sabeda <i>Matia apostul, Ida, Adela</i>	18.30 Mëssa prefestia 3 ^a de sopoltöra de Franz Planatscher + Maria Tavella Vanzi, dl ann por les püres Animes por les families de Carmen Erlacher		
25.02.24 2^a Domènia de Carsëma	9.30 Corona (cun don Yuriy) 10.00 Gran Mëssa por la Comunità + + Fonjo y Dolfo Unterweger + Rita Costabiei, dl ann + Egon Valentin + + Milio y Ottilia Castlunger	7.50 Les Staziuns (cun don Yuriy) 8.15 Gran Mëssa por la Comunità + frater Felix Ploner + Alfonso y Cecilia Mischi + Regina Daporta	